

Y Cyfarfod Llawn

Dyddiad y cyfarfod:
Dydd Mercher, 25 Mehefin 2014

Amser y cyfarfod:
13.30

Cynulliad
Cenedlaethol
Cymru

National
Assembly for
Wales



Pleidleisiau a Thrafodion

(208)

1 Cwestiynau i'r Gweinidog Addysg a Sgiliau

Dechreuodd yr eitem am 13.30

Gofynnwyd y 8 cwestiwn cyntaf.

2 Cwestiynau i Weinidog yr Economi, Gwyddoniaeth a Thrafnidiaeth

Dechreuodd yr eitem am 14.20

Gofynnwyd y 15 cwestiwn. Atebwyd cwestiwn 5 gan y Dirprwy Weinidog Sgiliau a Thechnoleg

Cwestiynau Brys

Dechreuodd yr eitem am 14.56

Cwestiwn Brys 1

Aled Roberts (Gogledd Cymru): A wnaiff y Gweinidog ddatganiad ar y newyddion bod 'Statws Dibynadwy Iawn fel Noddwr' Prifysgol Glyndŵr wedi cael ei dynnu yn ôl?

Dechreuodd yr eitem am 15.04

Cwestiwn Brys 2

Darren Millar (Gorllewin Clwyd): A wnaiff y Gweinidog ddatganiad ar y gostyngiad blwyddyn ar flwyddyn o 8.4% ym mherfformiad Gwasanaeth Ambiwlans Cymru o ran ymateb i alwadau categori A?

3 Dadl y Ceidwadwyr Cymreig

Dechreuodd yr eitem am 15.15

Gohiriwyd y bleidlais ar y cynnig a'r gwelliannau o dan yr eitem hon tan y cyfnod pleidleisio.

Cynhaliwyd pleidlais ar y cynnig heb ei ddiwygio:

NDM5534 Paul Davies (Preseli Sir Benfro)

Cynnig bod Cynulliad Cenedlaethol Cymru:

1. Yn nodi'r digwyddiadau diweddar i goffáu D-Day, Diwrnod Lluoedd Arfog y DU a chanmlwyddiant dechrau'r Rhyfel Byd Cyntaf;
2. Yn gwerthfawrogi cyfraniadau milwyr o Gymru, yn ddynion a menywod, ac yn cydnabod yr anawsterau y gallant eu hwynebu ar ôl dychwelyd i fywyd sifil;
3. Yn galw ar Lywodraeth Cymru i sefydlu Cynllun Cerdyn Cyn-filwyr i Gymru i alluogi:
 - a) ehangu'r cynllun prisiau consesiynol presennol i gynnwys cyn-filwyr
 - b) mynediad am ddim i byllau nofio awdurdodau lleol i gyn-filwyr
 - c) mynediad am ddim i safleoedd Cadw i gyn-filwyr
 - d) blaenoriaeth o ran triniaeth ar gyfer cyflyrau/anafiadau sy'n gysylltiedig â gwasanaeth milwrol ar y GIG
 - e) blaenoriaeth o ran darparu Grantiau Cyfleusterau i'r Anabl i gyn-filwyr y mae angen addasiadau i'r cartref arnynt.
4. Yn galw ymhellach ar Lywodraeth Cymru i archwilio'r potensial i godi cofeb Gymreig yn yr Ardd Goed Genedlaethol yn Swydd Stafford, i gofio ac anrhydeddu'r holl ddynion

a menywod dewr o Gymru a ymladdodd ac a gollodd eu bywydau yn gwasanaethu'r genedl.

O blaid	Ymatal	Yn erbyn	Cyfanswm
10	0	36	46

Gwrthodwyd y cynnig heb ei ddiwygio.

Cyflwynwyd y gwelliannau a ganlyn:

Gwelliant 1 – Elin Jones (Ceredigion)

Cynnwys pwynt 3 newydd ac ailrifo yn unol â hynny:

Yn gresynu at y ffaith bod toriadau i fudd-daliadau ar gyfer pobl anabl, gan gynnwys y dreth ystafell wely, yn effeithio ar gyn-aelodau'r Lluoedd Arfog a'r rhai sy'n gwasanaethu ar hyn o bryd.

Cynhaliwyd pleidlais ar welliant 1:

O blaid	Ymatal	Yn erbyn	Cyfanswm
32	0	14	46

Derbyniwyd gwelliant 1.

Gwelliant 2 – Aled Roberts (Gogledd Cymru)

Cynnwys pwynt 3 newydd ac ailrifo yn unol â hynny:

Yn croesawu'r cyhoeddiad yn Rhaglen Ddeddfwriaethol Llywodraeth y DU am gynigion ar gyfer Bil Cwynion am Wasanaethau, er mwyn gwella'r system gwynion yn y Lluoedd Arfog drwy sefydlu Ombwdsmon ar gyfer milwyr.

Cynhaliwyd pleidlais ar welliant 2:

O blaid	Ymatal	Yn erbyn	Cyfanswm
37	9	0	46

Derbyniwyd gwelliant 2.

Gwelliant 3 – Lesley Griffiths (Wrecsam)

Ym mhwynt 3, dileu 'sefydlu' a rhoi 'ystyried' yn ei le.

Cynhaliwyd pleidlais ar welliant 3:

O blaid	Ymatal	Yn erbyn	Cyfanswm
---------	--------	----------	----------

36	0	10	46
----	---	----	----

Derbyniwyd gwelliant 3.

Gwelliant 4 – Elin Jones (Ceredigion)

Cynnwys pwynt 4 newydd ac ailrifo yn unol â hynny:

Yn galw ar Lywodraeth Cymru i sicrhau bod y gwasanaeth iechyd yn darparu cefnogaeth ddigonol ar gyfer cyn-aelodau'r lluoedd arfog sydd ag Anhwylder Straen wedi Trawma.

Cynhaliwyd pleidlais ar welliant 4:

O blaid	Ymatal	Yn erbyn	Cyfanswm
46	0	0	46

Derbyniwyd gwelliant 4.

Cynhaliwyd pleidlais ar y cynnig wedi'i ddiwygio:

NDM5534 Paul Davies (Preseli Sir Benfro)

Cynnig bod Cynulliad Cenedlaethol Cymru:

1. Yn nodi'r digwyddiadau diweddar i goffáu D-Day, Diwrnod Lluoedd Arfog y DU a chanmlwyddiant dechrau'r Rhyfel Byd Cyntaf;
2. Yn gwerthfawrogi cyfraniadau milwyr o Gymru, yn ddynion a menywod, ac yn cydnabod yr anawsterau y gallant eu hwynebu ar ôl dychwelyd i fywyd sifil;
3. Yn croesawu'r cyhoeddiad yn Rhaglen Ddeddfwriaethol Llywodraeth y DU am gynigion ar gyfer Bil Cwynion am Wasanaethau, er mwyn gwella'r system gwynion yn y Lluoedd Arfog drwy sefydlu Ombwdsmon ar gyfer milwyr.
4. Yn gresynu at y ffaith bod toriadau i fudd-daliadau ar gyfer pobl anabl, gan gynnwys y dreth ystafell wely, yn effeithio ar gyn-aelodau'r Lluoedd Arfog a'r rhai sy'n gwasanaethu ar hyn o bryd.
5. Yn galw ar Lywodraeth Cymru i ystyried Cynllun Cerdyn Cyn-filwyr i Gymru i alluogi:
 - a) ehangu'r cynllun prisiau consesiynol presennol i gynnwys cyn-filwyr

b) mynediad am ddim i byllau nofio awdurdodau lleol i gyn-filwyr

c) mynediad am ddim i safleoedd Cadw i gyn-filwyr

d) blaenoriaeth o ran triniaeth ar gyfer cyflyrau/anafiadau sy'n gysylltiedig â gwasanaeth milwrol ar y GIG

e) blaenoriaeth o ran darparu Grantiau Cyfleusterau i'r Anabl i gyn-filwyr y mae angen addasiadau i'r cartref arnynt.

6. Yn galw ar Lywodraeth Cymru i sicrhau bod y gwasanaeth iechyd yn darparu cefnogaeth ddigonol ar gyfer cyn-aelodau'r lluoedd arfog sydd ag Anhwylder Straen wedi Trawma.

7. Yn galw ymhellach ar Lywodraeth Cymru i archwilio'r potensial i godi cofeb Gymreig yn yr Ardd Goed Genedlaethol yn Swydd Stafford, i gofio ac anrhydeddu'r holl ddynion a menywod dewr o Gymru a ymladdodd ac a gollodd eu bywydau yn gwasanaethu'r genedl.

O blaid	Ymatal	Yn erbyn	Cyfanswm
32	4	10	46

Derbyniwyd y cynnig wedi'i ddiwygio.

4 Dadl y Ceidwadwyr Cymreig

Dechreuodd yr eitem am 16.13

Gohiriwyd y bleidlais ar y cynnig a'r gwelliannau o dan yr eitem hon tan y cyfnod pleidleisio.

Cynhaliwyd pleidlais ar y cynnig heb ei ddiwygio:

NDM5535 Paul Davies (Preseli Sir Benfro)

Cynnig bod Cynulliad Cenedlaethol Cymru:

1. Yn nodi bod aelwydydd a busnesau yng Nghymru yn cael llawer o bost heb gyfeiriad nad yw byth yn cael ei agor ac sydd naill ai'n mynd yn syth i'w dirlenwi neu'n cael ei ailgylchu;

2. Yn credu bod hwn yn straen ychwanegol ar:

a) busnesau, sy'n gorfod talu am waredu gwastraff; a

b) awdurdodau lleol, sydd â chyfrifoldeb am gasglu'r gwastraff.

3. Yn pryderu am yr effaith amgylcheddol sy'n niweidiol i'n hadnoddau naturiol, gyda phob tunnell o bost heb gyfeiriad arno yn defnyddio 17 o goed a 7000 galwyn o ddŵr i'w gynhyrchu;

4. Yn nodi ymhellach Ymgyrch Age Cymru 'Sgamiau a Thwyll'.

5. Yn galw ar Lywodraeth Cymru i roi cyhoeddusrwydd i gynlluniau eithrio fel y Gwasanaeth Dewis Derbyn Post.

O blaid	Ymatal	Yn erbyn	Cyfanswm
33	0	13	46

Derbyniwyd y cynnig heb ei ddiwygio.

5 Dadl Plaid Cymru

Dechreuodd yr eitem am 17.00

Gohiriwyd y bleidlais ar y cynnig a'r gwelliannau o dan yr eitem hon tan y cyfnod pleidleisio.

Cynhaliwyd pleidlais ar y cynnig heb ei ddiwygio:

NDM5536 Elin Jones (Ceredigion)

Cynnig bod Cynulliad Cenedlaethol Cymru:

1. Yn dymuno'n dda i dîm Cymru yng Ngemau'r Gymanwlad.

2. Yn nodi pwysigrwydd chwaraeon a gweithgarwch corfforol i iechyd a lles.

3. Yn galw ar Lywodraeth Cymru i:

a) sicrhau bod gan bawb fynediad i chwaraeon a gweithgarwch corfforol;

b) adolygu effeithiolrwydd addysg gorfforol o ran annog cyfranogi gydol oes mewn chwaraeon a mynd i'r afael â chyfraddau cyfranogi isel ymhlith rhai grwpiau economaidd-gymdeithasol; ac

c) gwella'r cysylltiadau rhwng cyrff llywodraethu cenedlaethol, awdurdodau lleol, ysgolion a chlybiau chwaraeon i sicrhau bod arferion hyfforddiant gorau yn cael eu mabwysiadu i gynyddu'r tebygolrwydd y bydd cenedlaethau'r dyfodol yn gallu cystadlu ar y lefel uchaf.

O blaid	Ymatal	Yn erbyn	Cyfanswm
32	0	14	46

Derbyniwyd y cynnig heb ei ddiwygio.

Cyfnod Pleidleisio

Dechreuodd yr eitem am 17.54

6 Dadl Fer

Dechreuodd yr eitem am 17.57

NDM5532 Andrew RT Davies (Canol De Cymru)

UEFA 2020 - Caerdydd, y ddinas berffaith i gynnal y bencampwriaeth

Mae cais Caerdydd i gynnal gemau allweddol ym Mhencampwriaethau Ewrop UEFA yn 2020 yn gyfle i atgyfnerthu lle Cymru ar lwyfan chwaraeon y byd.

Daeth y cyfarfod i ben am 18.17

Cynhelir Cyfarfod Llawn nesaf y Cynulliad am 13.30, Dydd Mawrth, 1 Gorffennaf 2014